

**KJKP "VODOVOD I KANALIZACIJA" d.o.o. SARAJEVO**  
**DIREKTOR**  
**Izvod broj: 164/19**

Sarajevo, 23.12.2019. godine

Na osnovu člana 69. stav (2) tačka d) i člana 70. stav 1. 4. i 6. Zakona o javnim nabavkama („Službeni glasnik BiH“ br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 164/19 od 11.12.2019. godine, u postupku javne nabavke br. 164/19 - „Baždarenje mjerača protoka“ donosi se :

## **ODLUKA**

o poništenju postupka javne nabavke

### **Član 1.**

Poništava se postupak javne nabavke broj 164/19 za nabavku usluga: „**Baždarenje mjerača protoka**“, iz razloga što nijedna od primljenih ponuda nije prihvatljiva a sve u skladu sa odredbama člana 69. stav (2) tačka d) ZJN.

### **Član 2.**

Ova odluka objavit će se na web stanici: [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 164/19 od 11.11.2019. godine. Procijenjena vrijednost javne nabavke bez PDV-a iznosi: 32.000,00 KM a ista je planirana u dopuni PJN za 2019. godinu pod rednim brojem 469. Javna nabavka je provedena putem otvorenog postupka nabavke.

Komisija za javne nabavke imenovana je Rješenjem br. 19-07-01/19 od 19.07.2019. godine i dodatni članovi komisije su imenovani dopunskim Rješenjem br. 164/19-1 od 11.11.2019.godine.

Obavještenje o nabavci broj 247-1-2-244-3-400/19 objavljeno je na Portalu javnih nabavki dana 19.11.2019. godine a sažetak obavještenja o nabavci je objavljen u „Služenom glasniku BiH“ broj 77. od 22.11.2019. godine.

Komisija je konstatovala da je na osnovu Obavještenja o nabavci br. 247-1-2-244-3-400/19 od 19.11.2019.godine proveden postupak javne nabavke putem otvorenog postupka, te je izvršeno javno otvaranje ponuda dana: 10.12.2019.godine sa početkom u 13:45 sati, a što je konstatovano Zapisnikom sa otvaranja ponuda br. 164/19.

Za predmetnu javnu nabavku dostavljena je jedna (1) ponuda ponuđača:

1. „IBE Junuzović“ d.o.o Sarajevo

Konstatovano je da je navedeni ponuđač preuzeo tendersku dokumentaciju sa portala javnih nabavki i samim tim ostvario pravo učešća u postupku.

Dostavljanje zapisnika sa otvaranja ponuda izvršeno je prema ponuđaču u zakonskom roku. Nakon izvršenog otvaranja ponude Komisija za javne nabavke je dana: 10.12.2019. godine pristupila pregledu i ocjeni pristigle ponude u formalnom smislu: oblika ponude (numeracija, uvezivanje i dr.), cjelovitosti odnosno potpunosti ponude.

Komisija je utvrdila da dostavljena ponuda ponuđača „IBE Junuzović“ d.o.o Sarajevo ispunjava zahtjevane tenderske uslove prema obliku i potpunosti u smislu pripreme ponude. Pregledom ponude koje je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće :

R. br.	Zahtjevana kvalifikaciona dokumentacija	Ponuđač
		„IBE Junuzović“ d.o.o Sarajevo
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama – Aneks IV; Prilog 3.	Nije u skladu sa zahtjevima iz TD
2.	<b>Tačka: 14.1. TD:</b> Izjava o ispunjenosti uslova iz člana 47. st. (1) tačka a) i (4) Zakona o javnim nabavkama - Aneks V; Prilog 4.	-
2.1.	<b>Tačka: 14.1. TD:</b> Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	-
3	<b>Tačka: 14.2. TD:</b> Izjava o ispunjenosti uslova iz člana 50. Zakona o javnim nabavkama (Tehnička i profesionalna sposobnost u postupku nabavke usluga) – Aneks VI; Prilog 5	-
4.	<b>Tačka 14.3 TD:</b> Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	-

Komisija je konstatovala da ponuđač: „IBE Junuzović“ d.o.o Sarajevo ne ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ponude ponuđača „IBE Junuzović“ d.o.o Sarajevo je konstatovano da je ponuđač „IBE Junuzović“ d.o.o Sarajevo dostavio nepotpunu Izjavu o ispunjenosti uslova iz člana 45. stav (1) tačkaka od a) do d) Zakona o javnim nabavkama – Aneks IV; Prilog 3., u smislu da **nije upisan kandidat/ponuđač** na koga se izjava odnosi.

Nepopunjavanjem navedenih podataka, ponuđač „IBE Junuzović“ d.o.o Sarajevo nije ispunio zahtjeve ugovornog organa odnosno nije postupio u skladu sa tačkom 13. *Uslovi za kvalifikaciju - Ponuđač, u svrhu dokaza o ispunjavanju prethodnih uslova lične sposobnosti (član 45. stav (1) Zakona), dužan je u ponudi dostaviti izjavu ovjerenu kod nadležnog organa (Sud, Opština ili notar), u formi i na način koji propisuje Agencija za javne nabavke. Obrazac Izjave o ispunjenosti uslova iz člana 45. stav (1) tač. a) do d) Zakona, propisan od strane Agencije za javne nabavke, sastavni je dio ove tenderske dokumentacije i dat je u prilogu tenderske dokumentacije (Aneks IV, Prilog 3.).*

*Izjava ne smije biti starija od 30 dana od dana predaje ponude.*

*Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.*

*Ukoliko u ponudi ne bude dostavljena navedena izjava, na način na koji je traženo ovom tačkom tenderske dokumentacije, ta ponuda će biti isključena iz daljnog učešća zbog neispunjavanja navedenog uslova za kvalifikaciju.*

Na osnovu navedenog, Komisija je konstatovala da ponuda ponuđača: „IBE Junuzović“ d.o.o Sarajevo ne ispunjava zahtjeve ugovornog organa tražene tenderskom dokumentacijom, zbog čega se ponuda ovog ponuđača odbacuje kao neprihvatljiva, a sve u skladu sa članom 68. stav (4) pod i) Zakona o javnim nabavkama.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav (2) tačka d) Zakona o javnim nabavkama za poništenje postupka javne nabavke, te dala preporuku Ugovornom organu – ovlaštenom licu ugovornog organa da za predmetnu nabavku usluga: „**Baždarenje mjerača protoka**“ – tender broj 164/19 donese Odluku o poništenju postupka javne nabavke.

Iz gore navedenih razloga, primjenom člana 69. stav (2) tačka d) Zakona o javnim nabavkama („Službeni glasnik BiH“ br. 39/14), donesena je Odluka o poništenju postupka kao u članu 1. ove odluke.

#### **Pouka o pravnom lijeku:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

-Ponuđač

-a/a



Direktor

*Enver Hadžiahmetović, dipl.ing.maš.*